

heuest vanden lichālike borste
dijne moeder alsoe verlene ons
ouermids hoer gebeth toe worden
gheuoedet witten borsten dijne bar-
herticheit vermids geestelike spi-
singhe. die leuest ende regnierste
ewelick en altoes Amen. *Toe ma-*

Wes ghegruet *ma-rien* gebz
vull ghenaden. *Wes* ghe-
gruet en ontferm dy mijne omo-
der der barmherticheit ouermids
den soene des alre ouersten. wes v-
nederinge ghewest is onse vandi-
ghe. wes wonderlike geboerte al-
toehant vermids den engelē den
heerden wort gebotschapt die der
songhen *Glorie* sy gode inden ouer-
sten. ende kundichden den guetwil-
lighen menschen vrede. ende de heer-
den haesten in bethleem omme toe
vernemen dat sie hadn ghehoert
vanden enghelen. en sie vonden